

page :

N074

條目 :

出品名

內容 :

「離世間法門品」 離世間品 (59・313 下) 無一切菩薩共說

「如來出現不思議法」(多名) 如來出現品 (52・278 中)

復告……「 」 普賢行品 (49・259 上)

唐 十三昧

「集一切種、一切智功德菩薩行法門品」 十地品 (39・209 中)

出處 :

「離世間法門品」 離世間品 (59・313 下) 無一切菩薩共說

※參見《大方廣佛華嚴經》卷 59〈離世間品 38〉(CBETA, T10, no. 279, p. 313, b29-c22) :

「佛子！此法門名：菩薩廣大清淨行。無量諸佛所共宣說，能令智者了無量義皆生歡喜，令一切菩薩大願、大行皆得相續。佛子！若有眾生得聞此法，聞已信解，解已修行，必得疾成阿耨多羅三藐三菩提。何以故？以如說修行故。佛子！若諸菩薩不如說行，當知是人於佛菩提則為永離，是故菩薩應如說行。佛子！此一切菩薩功德行處決定義華，普入一切法，普生一切智，超諸世間，離二乘道，不與一切諸眾生共，悉能照了一切法門，增長眾生出世善根，**離世間法門品**，應尊重，應聽受，應誦持，應思惟，應願樂，應修行；若能如是，當知是人疾得阿耨多羅三藐三菩提。」

說此品時，佛神力故，及此法門法如是故，十方無量無邊阿僧祇世界皆大震動，大光普照。爾時，十方諸佛皆現普賢菩薩前，讚言：「善哉善哉！佛子！乃能說此諸菩薩摩訶薩功德行處決定義華普入一切佛法出世間法門品。佛子！汝已善學此法，善說此法。汝以威力護持此法，我等諸佛悉皆隨喜；如我等諸佛隨喜於汝，一切諸佛悉亦如是。佛子！我等諸佛悉共同心護持此經，令現在、未來諸菩薩眾未曾聞者皆當得聞。」

「如來出現不思議法」(多名) 如來出現品 (52・278 中)

※參見《大方廣佛華嚴經》卷 52〈如來出現品 37〉(CBETA, T10, no. 279, p. 278, b2-16) :

「善哉！佛子！乃能承佛威力，隨順法性，演說**如來出現不思議法**。佛子！我等十方

八十不可說百千億那由他佛剎微塵數同名諸佛皆說此法；如我所說，十方世界一切諸佛亦如是說。佛子！今此會中，十萬佛剎微塵數菩薩摩訶薩，得一切菩薩神通三昧；我等皆與授記，一生當得阿耨多羅三藐三菩提。佛剎微塵數眾生，發阿耨多羅三藐三菩提心；我等亦與授記，於當來世經不可說佛剎微塵數劫，皆得成佛，同號：佛殊勝境界。我等為令未來諸菩薩聞此法故，皆共護持。如此四天下所度眾生，十方百千億那由他無數無量，乃至不可說不可說法界虛空等一切世界中所度眾生，皆亦如是。」

復告……「 」 普賢行品 (49・259 上)

※參見《大方廣佛華嚴經》卷 49〈普賢行品 36〉(CBETA, T10, no. 279, p. 259, a8-19)：

「爾時，佛神力故，法如是故，十方各過十不可說佛剎微塵數世界外，有十佛剎微塵數菩薩摩訶薩來詣此土，充滿十方，作如是言：「善哉善哉！佛子！乃能說此諸佛如來最大誓願授記深法。佛子！我等一切同名普賢，各從普勝世界普幢自在如來所來詣此土，悉以佛神力故，於一切處演說此法；如此眾會，如是所說，一切平等無有增減。我等皆承佛威神力，來此道場為汝作證。如此道場，我等十佛剎微塵數菩薩而來作證，十方一切諸世界中悉亦如是。」

唐 十三昧

※參見《大方廣佛華嚴經》卷 76〈入法界品 39〉(CBETA, T10, no. 279, p. 414, b24-c5)：

「復次，佛子！菩薩成就十種三昧門，則常現見諸善知識。何等為十？所謂：法空清淨輪三昧、觀察十方海三昧、於一切境界不捨離不缺減三昧、普見一切佛出興三昧、集一切功德藏三昧、心恒不捨善知識三昧、常見一切善知識生諸佛功德三昧、常不離一切善知識三昧、常供養一切善知識三昧、常於一切善知識所無過失三昧。佛子！菩薩成就此十三昧門，常得親近諸善知識，又得善知識轉一切佛法輪三昧；得此三昧已，悉知諸佛體性平等，處處值遇諸善知識。」

「集一切種、一切智功德菩薩行法門品」 十地品 (39・209 中)

※參見《大方廣佛華嚴經》卷 39〈十地品 26〉(CBETA, T10, no. 279, p. 209, b25-26)：

「佛子！此集一切種、一切智功德菩薩行法門品，若諸眾生不種善根不可得聞。」